

黑龍江府縣志輯

中國地方志集

民國拜泉縣志
民國林甸縣志
民國依安縣志
民國訥河縣志



中國地方志集成

黑龍江府縣志輯 ⑨

民國拜泉縣志

民國林甸縣志略

民國依安縣志

民國訥河縣志

鳳凰出版社 ● 上海書店 ● 巴蜀書社

初修拜泉縣志序

郡縣有志猶國之有史也然史或失其繁或失其簡而記事之詳且要者必以志為最蓋以一邑之人記一邑之事耳目聞見之所及舉足傳信也自周禮大宗伯屬有外史氏以掌四方之志厥後累世郡縣皆則之蓋以徵治忽垂勸懲觀風俗識產賦也然非旁搜博采淹洽貫通編摩之久弗易竟也拜泉一邑域界蒙古荒徼也雖自戰國以迄元明部落各有同屬然率皆人沛地曠寒郭無根前清季世始

拜泉縣志序

一

為招徠民衆墾闢荒疇以境有巴拜明水泉因以名縣自是人烟輻集有蒸蒸日上之勢焉及民國樹立更為設學校以修文教置警衛以飭武備立商會以俾懋遷有無化居不特成邑成郡居然通都大邑矣然縣置十有餘年而勒風土之書不可畧闕於是邑之閭閻故家縉紳舊族諸君子者稽今考古訪獻徵文數年來已草創成編凡夫星野經緯疆域沿革以及人物山川俗習好尚莫不部分類列瞭如秩如蓋藉以頌名教恢典禮闡幽微而歸於崇善替惡非好為傳者

繁辭也此後牧守政教所留民俗徽善所積必有月異而歲不同者豈僅為司牧采風之一助哉是歲也適予承乏斯土而囑為弁言自知譎陋媿鄙重以三十載荒疏文不推馴難免貽笑方家奈義不容辭姑為索儉搜枯勉慰諸君子謁謁之意云爾

民國八年四月上旬知拜泉縣事古蒲陰亦三張霖如序

拜泉縣志序

二

序

民國四年春熊特生縣長函招予編纂拜泉縣志呈省通志局以備採擇因思志者誌也誌古者尤當誌今蒐羅殊非易也况拜泉洪荒甫闢欲誌古而掌故無徵誌今而草創未備雖有山川人物土產經政官禮等類有跡可循亦皆語焉不精擇焉不詳倘率爾操觚恐凌雜錯落貽笑方家遲迴未應者久之嗣以辭不獲已乃與採輯諸同人往復磋商分門別類各贅數行聊以應通志局之徵求已耳六年冬張亦三

拜泉縣志序

卷一

序

縣長又招為續修編纂因與李君硯耕姜君芸蕪暨採輯諸君子取從前所編纂披覽察核可增者增之可刪者刪之雖屬一知半解而言麗語雜辭已費矣甫脫稿都人士僉謂是志也粗率不文雖不足為著述之鉅編且可為風土之簿記因欲公諸同好擬付手民刷印成書雖草草塗鴉不免為人所共唾亦弗恤也

民國八年四月望日拜泉胡乃新敬修氏謹識

拜泉縣志目錄

輿地志

經緯度

疆域

人種

木屬

獸屬

建置志

拜泉縣志目錄

城地

廟宇

勝蹟

經政志

民政

財政

墾務

林務

商政

沿革

山川

物產

鳥屬

蟲屬

津梁

壇廟

警政

田賦

錢法

礦務

郵政

忠節	明經	選舉志	名宦	文職	職官志	陸軍 <small>軍衛</small>	軍務軍械	軍事	旗兵	武備志	武禮	賓禮	吉禮	禮志	社會教育	路政
孝友	薦辟			武職		軍法軍需			防營		軍禮	嘉禮		司法行政監獄附	教育 <small>教育分會 各學校 勸學所 師範講習所</small>	

載其所無者概從畧焉	之目錄條括通省而言茲僅就拜泉所有者詳為記	右目錄遵照省通志局所頒發以為標識然通志局	翦匪	拳匪	志餘	建置	戶籍	蒙荒	祖賦	襲爵	蒙旗志	蒙	稟	摺奏	藝文志	列女
			十景	蒙匪				蒙荒	司法	官制				詩	宸輓	派寓

知拜泉縣事亦三張霖如監定

姜景齊 芸蕪

編纂 胡乃新 敬修

李倬 田硯耕

樂修 仁子壽

郁春 馥蘭階

鄭林 泉鳴九

丁作辰 鄭亭

採輯 張宗敬 慎之

李如棠 愛貽

王訪 瀆源樓

于霖 生潤之

輿地志

輿地序

伏維龍沙峽湊邊境云遙雁塞荒涼華夷錯處唐宋以前
闕河阻隔元明而後郡縣分封此前清所由從事招徠而
民國因之設治也拜泉一隅彈丸四郊膏壤分野高寒明
星閃爍滋生暢茂物類增多雖為一縣之微可考羣言之
證故定其經緯溯其沿革閱其疆域歷其山川別其人類
驗其物產作輿地志焉

經緯度

詳考拜泉位置北邊線適當東經九度與北緯四十八度相
交尚餘一分四十秒南邊線適當北緯四十七度與東經九
度相交尚餘二十七分四十五秒東邊線適當北緯四十八
度與東經十度相交尚餘六分三十五秒西邊線適當北緯
四十八度與東經八度相交尚餘二十四秒斯地偏居北溫
帶之北與着地暨外蒙古之庫倫緯度相較皆差十餘秒仍

稍偏北晝夜長短較之中央各省迥然不同夏至日出時四點一分日入時八點二分冬至日出時七點四十七分日入四點十一分氣候寒時居七箇月暖時不足五箇月立夏以前雨雪隨天氣變更秋分前後漸有凝霜立冬前後則雪地冰天嚴寒凜冽老人病夫間有凍死於道途者此經緯度之所攸關僉謂江省為苦寒之地敬授民時者可不因時制宜乎

附災異

而災宣統二年秋淫雨淋漓損傷禾稼統計全縣十分之三東路善後局呈准一切租賦經費應蠲者蠲應緩者緩是年因粮草昂貴墾戶到段均開地無多

民國元年四月初二日風雨飄搖異常寒冷身字四甲十三井凍死王姓牧人一名拜境南鄉赴省大道凍死行路人一名拜泉全境凍死騾馬四千餘匹

電災民國二年六月大雨雹從利字二甲十九井南至亨字

四甲十井由西北向東南逕過通肯河南北寬三十餘里東西斜長九十餘里損傷禾稼無算三年又在該處而雹但稍輕耳

風災民國二年秋大風五穀損傷甚多惟糜子穀子被風持滿隴皆黃

蟲災民國五年六月間旱甚全縣從十三四井迄東各井糜子苗心生小黑蟲長五六分食苗盡萎惟新墾荒地蟲災稍輕所贖苗亦無幾六年仍有蟲災但不如五年之甚然糜穀

均被其災

火災民國三年三月間縣城南街路東火起延燒三十餘家嗣後迭次焚燒前後共燬舖戶百餘家約計草房千餘間貨物無憑考核

疫災宣統二年冬十月東三省瘟疫流行西醫謂鼠疫傳染各省會及繁盛之區皆設防疫院然所製藥方毫無效果故患疫症者百無一生甚至一家數十口僅贖一二人道路亦僵尸相望拜泉洪荒甫闢墾戶寥寥雖有疫災而死者無幾

民國七年九月間患瘟疫者十人而八九甚至一家皆病初時甚輕不過頭暈咳嗽一二日即愈嗣後日甚一日死者漸衆流寓士范小村深通醫理謂為濕瘟立一方用青蒿竹葉茵陳薄荷荊芥連翹杏仁藿香滑石木通黃芩甘草水煎服活人無算然城鄉巡警調查死者尚三千有奇

沿革

拜泉地處邊徼荆榛遍野滿目蒼涼自招墾而後人烟日見輻輳農夫相與耕於野行旅相與行於途商賈工匠相與懋遷於市蔓草荒烟之地遽成此繁盛之區回思地為誰氏之地人為何種之人古社成墟空餘瓦礫殘碑沒字半付蒿萊考文獻而無徵聽傳聞而鮮據藉非徵輯事實筆之於篇恐後之視今亦猶今之視昔徒令人感慨係之是故彙摭博采作歷代沿革考焉

拜泉因巴拜明水泉子而得名即古肅慎國之故地山海經云大荒之中有山曰不咸有國曰肅慎註云去遼東三千餘里按寧古塔黑龍江皆肅慎地也

戰國時燕國東方有雜胡數種按東胡北部即今黑龍江有全境拜泉界即在其中及秦滅燕拜境應為秦之屬土

西漢時冒頓滅東胡改為匈奴左部拜境應在左部之中東漢時鮮卑慕容氏沿黑龍江漸次南下今之江省屬境多為所據拜泉又屬鮮卑

晉時鮮卑西據匈奴故地而小黃室韋大黃室韋黑車子室韋以及南北室韋等部分據黑龍江之全境而拜泉即在室韋界內

北魏為勿吉國一曰靺鞨分七種最南者為白山部最北者為黑水部北史載勿吉國遣使朝貢溯難河西上歸途至今洮兒河東北行十八日始至其國按難河一名那河即今吉黑分界之松花江也拜境應在勿吉國內

隋唐為黑水靺鞨唐書北狄傳靺鞨遣使入朝玄宗開元十

六年建黑水州置長史唐置黑水軍始此按唐時黑水分十
六部在松花江南者曰南部拂涅虞婁越喜鐵利等部在江
北者曰北部思慕郡利窟說莫曳皆諸部拜泉應在唐黑水
北部

遼時契丹阿保機盡取室韋故地與金人互相吞併後遼金
和約則各有分界按契丹國志在混同江北者號生女真屢
與契丹相攻擊契丹沿邊創築城堡屯守南北二十餘里又
按許元宗奉使行程錄過混同江四十里至呼勒希寨即有

拜泉縣志

卷一

十三

春北山防石印

滑堰斷塹自北而南莫知遠近即今嫩江西金遼分界邊也
似嫩江以東屬金拜泉即金之屬土

金屬上京會寧府拜泉為會寧之西境

元時合蘭府一名海蘭府見前清八旗通志其人皆水達達
即元史所謂碩達勒達是也按元太祖混一天下東北各路
為諸王分封疆域其同母弟鐵木哥幹赤金所謂皇太弟者
又名幹嗔那顏封於克魯倫地拜泉應為其屬土今縣境有
古城古蹟或均係幹赤金之遺址云

巴拜附考

明屬奴兒干都司按奴兒干之名始見元史英宗本紀洪武
永樂之時邊外歸附設奴兒干都司以管轄之後又設虎爾
文卜顏木蘭諸衛拜泉應在三衛境內

查元史英宗本紀巴拜部機命河東發粟賑之巴拜為部落
之名無疑矣然科爾戡太子四世孫封巴拜大王不知何以
失國仁宗延祐四年又賜其子金銀印二顆命佩之雖無國
邑尚襲王號則拜境為幹赤金之封邑似無確據然世祖時

拜泉縣志

卷一

十四

舊北山防石印

有巴拜岱妃子又有巴拜哈斯妃子又封巴拜公主劉恩為
四川防禦使鄂端部叛元主命巴拜領兵與劉恩戰則巴拜
二字層見迭出究不知繡為漢語作何解也按元史註巴拜
又作八八

疆域

拜泉全境南北核計一百三十一里七東西廣狹不等北界寬一百九十二里南界寬一百二十里由縣城東北至上道溝西沿距縣城九十里緣溝散田北自貞字一甲南至利字二甲以東面散田六大戶七為至溝東為通北縣溝西即為拜境由利字二甲迤南至元字頭甲一里七夾荒皆以通肯河為界河東為海倫河西即為拜境距縣城九十五里南北共計地二十一井地勢斜長參差不齊核計一百五十里由

拜泉縣志

卷一

十五

拜泉縣志

一里七靠通肯河起算按照元字四甲二十井核計一百二十里距縣城一百五十八里迤南為青岡縣界迤北為拜境中間以興隆鎮街心為拜青分界之處距縣城七十八里餘由元字段一甲西頭北數至亨字利字二十一二三井不等以孔家地房子迤西為至均與林甸縣分界距縣城一百里迤北貞字全段西面依字段民荒四十五井西與龍江縣分界距縣城一百五十四里該段迤北及貞字段北面又招蒙民佃荒二十五井迤北胡裕爾河北又有蒙旗生計地六千

胸西面亦與龍江縣分界由該蒙荒東西核計七十五里北面與訥河縣分界距縣城八十里迤東過胡裕爾河至貞字五甲頭井一百一十七里北面與克山縣分界以范家燒鍋屯為至北有二里夾荒迤北為克山界迤南即為拜境距縣城六十二里此拜泉疆域之大致也謹錄之以備參考

拜泉縣志

卷一

十六

拜泉縣志

山川

拜泉地勢平衍間有岡阜並無高山大川即有名為山者如萬寶山太平山迎門山之類不過象形名之耳未足謂之山也故關而不錄茲僅即河流之源委畧志其梗概云通肯河發源於布倫山一名海倫奔山係蒙語五數蓋山頭有五云今通稱哈喇巴山下游經流縣境之東與海倫分界曲折南下一百五十餘里過青岡蘭西等縣境直入呼蘭河兩集水漲可通舟楫可運木料惟彎環曲折淤淺太多屢形

阻滯倘能以人工疏鑿之則水運之利可以漸興

雙陽河有二源北源發於利字三甲七井南源發於亨字四甲六井均係窪地出泉又合衆溝浸淫之水匯而西流過縣城之南河間有大泡子一處深丈餘故土人名縣城為大泡子迤西過林甸縣城南水勢緩散大半滲入沙中迤西過安達北境之域溝又折而西北過索倫免站為鐵路所阻西北入仄泊河即九道溝子

拜泉縣志

卷一

卷一 卷一 卷一

中之泉土人呼為印津泡西流縣城北境貞字五甲八井西至十二井西北過莽羅公界依字段入胡裕爾河胡裕爾河蒙語謂霍曰呼河發源於小興安嶺之胡裕爾山新興國所謂已特克山即今之青山西南流過二克山北又西過縣境之依字段迤西過來可屯南又西過積思保屯西入九道溝子

碧流河一名畢拉河在縣城南四十里發源於亨字頭甲六井之羣溝滙而為河河身寬二三丈不等旱則水涸而集水

漲東南過元字頭甲一里七屯迤北入通肯河

二泡子在縣城東北十五里利字三甲八井窪地出泉匯為渚澤水寬不及半里長三里餘東北過四甲五甲迤北過貞字頭二三四甲八印津河

九連泡在縣城東七十里利字三甲三井因泡水蟬聯而下共有九處故土人呼為九連泡其下流即為四道溝

媽媽泡在縣城西南三十里亨字五甲九井長三里寬五里餘亦窪地出泉水漲溢流過利字三甲十三井土人呼為媽

拜泉縣志

卷一

卷一 卷一 卷一

媽口子迤北過二甲十四井入雙陽河

歸津泡一名松津泡在縣城西南亨字二甲七井距縣城五十餘里寬五里餘長六里水色微碧深處丈許淺者拖泥帶水或一二尺深不等以其水有歸宿故名歸津雨積水漲北過亨字三甲九井又過四甲十井五甲十一井北會媽媽泡子入雙陽河

旱湖在縣城西八十里亨字五甲十七井寬長約各半里雨積水漲南入雙陽河旱則水淺湖濱露出二泉僅積一泓清

水

巴拜泉在縣城西利字三甲二十井即蒙語所謂巴拜布拉喀也放荒時改名八百泉窪湧出泉匯為雙泡夏潦盛漲彌漫十餘里過二甲二十一井東南入雙陽河

蓮花泡在縣城西北六十餘里利字四甲十七井方圓參差不齊周圍約四里餘窪地出泉水漲南流過利字三甲十七井入雙陽河按拜泉向無蓮花該泡以蓮花為名以訛傳訛歟抑或別有命名之義歟土人呼為連環泡未知是否

拜泉縣志輿地

卷一

十一

西字四甲

白花泡在縣城南七十里鑲藍旗二佐土人呼為白花泉即明水泉子因四圍有白花莖高三四尺葉似地榆而狹故以為名該泡地勢窪下泉水匯為潞澤方圓參差周圍約四五里春秋水漲東南流過元字頭甲曲折南入通肯河

附水土性質

東鄉地勢起伏岡陵參差未放荒之前樹木叢雜元亨段黑土約三四尺利貞段黑土稍覺深厚黑土之下多紅土亦有色作青藍者黃土間有之水質多鈣婦人常飲斯水往往生

病而死其中亦有甜井不生病者

西鄉地勢稍平黑土約二三尺不等元亨段黑土稍薄利貞段黑土頗厚黑土下均係黃土間有見白沙處岡陵陽坡有石子如榛如卵如拳大小不一色亦黑紫黃白均有土人呼為海底石水質清而味甜

南鄉地勢平衍黑土與西鄉相等水之質性亦與西鄉無甚差別

北鄉地勢亦平衍惟貞字四五甲接近胡裕爾河高低參差黑土四五尺許黑土之下多黃土亦間有雜色者水質清而不銹

拜泉縣志輿地

卷一

十一

西字四甲

附水土性質

查拜境東北南自元字一甲水色帶鈣飲之似有槍藥味浸茶以冷水激之則色變紫黑東西不過一二十里至利貞二段七道溝迤西夾荒散田暨井田至五六井東西約四五十里不等均是亂山合沓多楊樺橡榆之樹今雖刈伐無遺尚有叢生荆榛獨無艾蒿防風馬蘭等物近五六年水性忽變

少婦多患胃疼嘔吐綠水味極苦臭諸藥罔效少則一二時多則二三日未有不亡者故該處逃亡之屋廬不計其數頃據部派衛生科專員取水化驗報稱水中含有酸性極多西語謂那摩尼亞譯漢語謂尿臊氣即動植等物腐朽之所積也有大毒人飲之多死非穿極深機井直至甘水別無拯救之術

人種

拜境開闢而後人烟輻輳有自本省東南各縣來者有自

奉天吉林來者有自關裏山東來者羣居錯處皆我民族其外旗族若滿洲若漢軍寥寥無幾雖元字段有旗佐之名而旗族之墾荒者甚少即間有之其圖冊執照之名皆為佃民而未嘗別為旗籍亦與民種無殊也滿漢而外惟願魯特為依克明安公之蒙旗在拜境之中其餘曰索倫曰達呼爾曰鄂倫春曰畢喇爾曰巴爾虎等部游牧遊獵來去無常刻下拜境民族湊集彼族皆北徙於山深林密之間至於東北極邊雖有奇推喀喇赫哲喀喇額登喀喇

飛牙喀奇勒爾等類及使鹿使犬諸部此外又若沃濟野人元時叛服靡常前清太祖亦嘗征服窩集按窩集即沃濟其種族不知何在即室韋數部國亡之後其種族亦不知何在也拜境中無旗類可指無事寔可徵故人種一志半付闕如

滿洲係長白山女真三十部之一也前清始祖生於寧古塔西六十里覺羅村後歸長白山之八道溝分為五部清先祖為完顏部其餘曰棟訥曰哲陳曰蘇克護阿曰科哩珠後又

征服扈倫四部曰葉赫曰輝發曰革拉曰哈達皆號為滿洲後又征服錫伯卦勒察亦收入滿洲最後征服黑龍江南之索倫號新滿洲滿語謂伊徹滿洲其餘各種旗人有大功準其指入滿洲今拜境元字段有希卜魯氏趙姓亨字段有木克得立氏富姓有卦勒察氏關姓烏札庫氏阿姓又有張姓朱姓胡姓其滿姓未詳

漢軍最初至者多山東產隨孔有德尚可喜耿仲明降於前清編入旗籍號陳漢軍及清太祖入關後所收之漢人號為

新漢軍

索倫係遠之後裔舊為打牲部落康熙三十年編入旗籍亦設協佐防校等官以統轄治理之本氏無考其漢姓有顧胡白三姓

達呼爾本契丹種遠太祖號達呼爾氏後號奈曼元滅奈曼徙黑龍江北境之達呼哩山為打牲部落康熙二十八年編入旗籍今拜境元字段有由呼蘭移來數家其漢姓有吳金何張富等姓

拜泉縣志

卷一

三

卷一

巴爾虎一作巴爾呼本蒙古喀爾喀屬部康熙中自俄境歸清編入八旗元字段有由呼蘭徙來者數家有劉阿等姓土人有謂巴爾虎係生女真別種其手除姆指外均少一骨節未知確否

額魯特見依克明安公家旗志

畢喇爾縣城南有畢喇爾河愛琿東南亦有畢喇爾河未知其部落先在何處相傳即使犬部前清光緒初年編入旗籍今尚有協佐防校等名目但氏族無考

鄂倫春相傳即使鹿部光緒初年收服鄂倫春其部落有五

在愛琿轄境內者曰畢喇爾曰庫瑪爾在墨爾根轄境內者曰阿哩曰多魯庫爾在海拉爾轄境內者未詳

回氏即回紇唐肅宗平安史之亂始有留於中國者拜泉僅有十餘戶尚未修禮拜寺惟金馬丁白等姓餘不可知

戶口之數見經政志戶籍門內

物產

中國全占灑帶地大物博甲於全球而人民鮮知土產習

拜泉縣志

卷一

高

卷一

故陷常固於方隅此財用所以不足而貨棄於地也拜泉一邑披荆斬棘僅十餘年而飛潛動植之物雜然前陳揀輯雖頗詳備而目所未見耳所未聞者亦不能免焉

穀類

小麥全體類大麥而小故名小麥其種有大麥有洋麥有無芒麥俗名光頭麥種類不同均可磨麩此省天寒每年僅一收穫故早春布種至立秋後方熟較內省刈麥之後再種菽荳者不同縣境之小麥播種收穫亦與通省無殊上熟之年

拜屬四十斛之市斗每晌可收六七石磨麩每斗可得三十
船左右價值較黍稷為昂出境之大宗也

大麥苗粒皆大於小麥故名大麥布種於小麥同時熟成較
小麥稍早磨麩可食碾米亦可造飯味甘而滑久食令人肥
白可磨細造麩大熟之年每晌可得七八石之數但不及小
麥價昂也

鈴當麥一名批麥其種來自俄國布種與大小麥同時其苗
與大小麥亦無甚異惟粒細而皮厚麥隴中往往自生如穀

手又錄云

卷一

十五

春記山切石印

中之有莠白露前後方熟每晌可得十餘石之多碾米磨麩
所得甚少惟運至俄站俄人購買喂馬肥胖而光潔獲利較
大小麥為尤厚云

蒼麥一名莠麥以莖弱而翹然易長易收磨麩如麥故曰蒼
而與麥同名也又曰烏麥以實老則烏黑也又曰花麥以開
小白花繁密粲然也夏至後下種秋分前數日收獲豐年
每晌可收四五石價值最賤故多用之飼馬飼猪云

稷一名稌又名梁碾未造飯蔬爽香美莖高三四尺葉似蘆

粒色鮮紅味甘淡氣馨性微寒無毒芒種前後下種白露前
後收穫米可作飯粟可飼馬又可製麩作糕將粟蒸熟曝乾
碾米味尤香烈豐年可得四五石之譜價亦與黍相彷彿

黍有數種赤黍曰糜白黍曰芑黑黍曰秬一秬二米曰
秠一云黍者暑也待暑而生暑後而成也稌屬之黍苗似稷
而大赤白黑三色均有之又有微黃者惟黑黍一秬二米者
無之俗通稱曰黃米性溫平而微滯小滿後布種白露刈獲
或造酒或作飯或製麩蒸糕或搗汁作飴或用竹葉包糝皆

拜泉縣志

卷一

十一

春記山切石印

以極黏者為貴每晌可收五六石價值與稷畧同微貴於穀
云
玉蜀黍按本草綱目一名玉高粱俗名包米其苗似蜀黍而
肥矮六七月開白花穗若批麥粒攢簇於包內之穰井然成
行有黃白紅黑數種立夏後下種白露後收穫粒半成時可
煮食食尤美秋熟後可碾米造飯可作乾糝水泡軟可以
磨粉每晌收穫可六七石

蜀黍俗名蘆稌廣雅稱荻粟又名高粱此省人通稱高粱亦

呼米曰秠米摺曰秠摺粒黃赤色味甘澁性溫無毒莖高丈
許有節狀似蘆荻而內實穗大如帚粒大如椒有黏不黏之
別立夏時下種秋分前後收穫黏者米可作糕亦可作酒不
黏者造大酒最良可以作飯可以飼畜製醋尤美其莖又可
織箔席編籬供爨最有益於民者每畝可得五六石不等
粟一名和粟莖高三四尺而中空細葉長穗粒米皆淡黃色
性微寒大反信石誤服殺人入大抵黏者為稻不黏者為粟即
小米也其粒通稱穀子立夏前後下種秋分時收穫碾為米

拜泉縣志

卷一

五

物比四方

可作飯煮粥黏者名小黃米其功用與黍米畧同其草可飼
牛馬出產為大宗每畝可收六七石

稗類時珍曰稗乃禾之卑者也有二種一種黃白色一種紫
黑色其莖葉畧似黍稷性微寒無毒穀雨下種白露收穫生
刈其莖可飼牲畜碾米炊飯磨麩製乾饌皆佳每畝可收七
八石出售較黍稷得半價

線麻之名極多莖綠葉長高五六尺春間布種苗出二三寸
疏其苗生枝結子密其苗有莖無枝處暑後刈之漚水中數

日取出晒乾剝麻每畝可得五六十觔極多有至百觔者作
繩績紡用途極多其子可榨油渣可飼畜麻子價值與黍稷
相仿

苧麻白麻也苗一作蒨穀雨後播種葉圓大而綠開黃花結
子黑色處暑後刈漚水中數十日撈出剝麻其莖輕白晒乾
可蘸硫黃作炸燈引火甚速每畝可得五六十觔用以綯繩
織箔為蓆家不可少之物價值亞於線麻

黃大豆俗作菽莖葉皆綠開白花結莢附莖下垂有黑黃褐

拜泉縣志

卷一

五

物比四方

綠四種粒大於小豆穀雨後播種秋分前後收穫用之榨油
造醬製豆腐其油渣為豆餅可飼畜糞田燒火常年每畝可
得四五石與小麥同為出境之大宗

小豆一名荅豆有三四種赤豆白豆綠豆營豆皆小豆也拜
境黎色者居多兼有赤者其色亦淡味甘性微寒無毒立夏
播種秋收頗早可和米煮飯煮粥可包麩內蒸饌又可磨汁
造粉惟收量甚少每畝可收二三石

綠豆以色名也味甘性微涼解諸毒苗高一二尺許葉小有

毛花莢與赤小豆同其種有官綠油綠摘綠拔綠等名其寔可作豆飯豆酒可磨麩製粉可和糖蒸作糕名綠豆糕生芽為菜中上品種獲與小豆同時每畝可收二三十石價值較黃豆為尤昂

碗豆一名戊豆又名回回豆苗柔弱嫩時青色老則班麻子圓如藥丸磨粉麩白而且細立夏播種處暑後刈獲惟收量甚少每畝不過二三十石

蠶豆一名胡豆顧時珍曰豆莢如老蠶故以為名莢狀如匙

種菜譜

卷一

菘 菘記

開花紫白色味甘而辛性平無毒立夏下種立秋漸熟小兒燒食者多能治酒醉每畝收三四石許

豇豆本草綱目江絳二音顧時珍曰紅色者居多氣味甘鹹性平無毒其種有二一長蔓一短蔓其莢本大末小花莢皆兩兩垂嫩莢充菜可食莢老抹子此豆可菜可粟可穀大抵種園中佐食者多每畝可收二三十斗許

刀豆本草綱目釋名挾劍豆莢如豇豆而稍長花紅子淡紅色性溫味甘立夏布種蔓生結莢近尺許嫩時煮食醬食

煎皆佳同雞肉猪肉煮食尤佳秋後採于上熟之年每畝可收三四斗

花豆俗名花腰豆其種不知來自何處粒如白雲豆微圓而有紅花夏種秋收較小豆稍早功用亦與小豆相同但不能磨粉耳每畝可收三四石

粳米豆莢如菽豆莖高一尺許穀雨後下種白露即熟其粒細長而純白可和米煮飯又可作餵蒸饌洋人以昂價購買販糧者往往視為奇貨可居又一種小白豆類粳米豆而稍

種菜譜

卷一

菘 菘記

圓功用亦與粳米豆同

蔬屬

韭菜一名草鍾乳又名起陽草葉長而青翠形類馬蘭一種而久生故謂之韭性溫平無毒春夏時可以根分可以子種二三寸使剪可生可熟可俎乃菜中之最益者也七月開花結子其花可製韭花醬

蔥一名乳一名萊伯又名和事草按蔥有數種曰山蔥曰冬蔥又名凍蔥曰漢蔥拜境僅有漢蔥葉綠根白子黑與韭菜